



Sarajevo, 12.06.2026.godine

**KOLEGIJU PREDSTAVNIČKOG DOMA  
PARLAMENTARNE SKUPŠTINE BiH**  
n/r predsjedavajućeg

БОСНА И ХЕРЦЕГОВИНА  
ПАРЛАМЕНТАРНА СКУПШТИНА БОСНЕ И ХЕРЦЕГОВИНЕ  
SARAJEVO

PRIMLJENO: 12-06-2026

Organizaciona jedinica	Klasifikacioni oznaka	Redni broj	Broj prijega
01-	50-1-	1514/26	

Na osnovu člana 8. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19, 26/20, 53/22, 59/23, 87/23, 50/24, 73/24, 56/25 i 7/26), podnosim poslaničku

### INICIJATIVU

kojom Predstavnički dom Parlamentarne skupštine Bosne i Hercegovine zadužuje Vijeće ministara Bosne i Hercegovine da u roku od 60 dana, u saradnji sa Agencijom za razvoj visokog obrazovanja i osiguranje kvaliteta i Centrom za informisanje i priznavanje dokumenata iz oblasti visokog obrazovanja, pripremi prijedlog uspostave Digitalnog registra diploma visokog obrazovanja u Bosni i Hercegovini, uključujući potrebne normativne, organizacione i tehničke pretpostavke za njegovu implementaciju.

#### Образложење:

Bosna i Hercegovina, kao država koja teži punopravnom članstvu u Evropskoj uniji, ima obavezu usklađivanja svog obrazovnog sistema sa evropskim standardima u oblasti priznavanja i provjere kvalifikacija. Evropska komisija posljednjih godina snažno promovise uspostavljanje digitalnih diploma (EDCL), elektronsku razmjenu podataka o kvalifikacijama i digitalnu verifikaciju diploma radi sprečavanja zloupotreba, olakšavanja mobilnosti studenata i radnika, te jačanja povjerenja u obrazovne sisteme.

S tim u vezi, EU preporuke pozivaju države da unaprijede priznavanje, dokumentovanje i certificiranje stečenih kvalifikacija i kompetencija kroz digitalne sisteme, uključujući povezivanje sa evropskim okvirima za kvalifikacije i digitalnu identifikaciju.

Bosna i Hercegovina trenutno nema elektronsku evidenciju stečenih visokoškolskih kvalifikacija. Podaci o diplomama vode se isključivo na nivou pojedinačnih visokoškolskih ustanova, pri čemu se, nažalost, na mnogima od njih takve evidencije uopšte ne vode. Ovakav nedosljedan sistem drastično otežava provjeru vjerodostojnosti diploma, usporava administrativne postupke, povećava troškove te ostavlja ogroman prostor za moguće zloupotrebe.

Bosna i Hercegovina već ima državne institucije za priznavanje kvalifikacija i osiguranje kvaliteta, postoje registri akreditovanih visokoškolskih ustanova i studijskih programa, tako da registar diploma predstavlja logičan naredni korak digitalizacije.

Transparentnost, priznavanje kvalifikacija i digitalizacija javnih usluga sastavni dio procesa evropskih integracija i reforme javne uprave.

Inicijativa ima za cilj uspostavljanje evidencije javnih isprava koje izdaju akreditovane ustanove, radi zaštite građana, poslodavaca i integriteta akademskih kvalifikacija.

Registar bi predstavljao evidenciju diploma izdatih od akreditovanih visokoškolskih ustanova, uz puno poštivanje zaštite ličnih podataka.

Uspostava digitalnog registra diploma omogućila bi efikasniju provjeru autentičnosti diploma, jačanje povjerenja u sistem visokog obrazovanja, lakše priznavanje kvalifikacija u evropskom prostoru visokog obrazovanja, unaprjeđenje digitalizacije javne uprave i javnih usluga, te približila Bosnu i Hercegovinu evropskim praksama digitalizacije javnih usluga.

Ova inicijativa je u skladu sa strateškim opredjeljenjem Bosne i Hercegovine za digitalnu transformaciju javne uprave, kao i sa evropskim trendovima digitalizacije obrazovnih kvalifikacija.

Poslanica SDP BiH  
Rejhana Dervišević

